

sanskog kantona' vjerodostojno i proizvodi pravne učinke.

(3) Po ponovnoj uspostavi informatičkog sistema, odgovarajuća elektronska verzija štampanog izdanja iz stava (2) ovog člana objavljuje se na internet stranici samo u informativne svrhe, te ista sadrži podatak o tome.

#### Član 5c.

U pogledu elektronskog izdanja 'Službenog glasnika Unsko-sanskog kantona', Sekretar Vlade Unsko-sanskog kantona odgovoran je za:

- a) njegovu objavu i garanciju njegove vjerodostojnosti,
- b) uvođenje, upravljanje i održavanje informatičkog sistema za pripremu elektronskog izdanja 'Službenog glasnika Unsko-sanskog kantona', te nadogradnju tog sistema u skladu sa budućim tehničkim napretkom,
- c) uvođenje i proširenje tehničkih mogućnosti kako bi se svim korisnicima osigurao pristup elektronskom izdanju 'Službenog glasnika Unsko-sanskog kantona',
- d) uspostavljanje pravila o unutrašnjoj sigurnosti i pristupu u pogledu informatičkog sistema za pripremu elektronskog izdanja 'Službenog glasnika Unsko-sanskog kantona',
- e) čuvanje i arhiviranje elektronskih datoteka."

#### Član 2.

U članu 6. stav (1) interpunkcijski znak tačka zamjenjuje se interpunkcijskim znakom zarez i dodaju riječi "koje su donosioci dužni dostaviti na objavu u roku od pet dana od dana donošenja, a izdavač objaviti u roku od osam dana od dana prijema."

#### Član 3.

Ovaj Zakon stupa na snagu osmog dana od dana objavljivanja u "Službenom glasniku Unsko-sanskog kantona".

Broj: 01-02-1-623/17 Predsjedavajući Skupštine  
18. septembra 2017. godine Unsko-sanskog kantona  
B i h a ć Nijaz Hušić, prof.

#### 660.

Na osnovu člana 11. b) odjeljak A poglavlja V, člana 2. tačka a) i člana 3. tačka f) Poglavlja IV Ustava Unsko-sanskog kantona - prečišćeni tekst ("Službeni glasnik Unsko-sanskog kantona" broj: 1/04,11/04), na prijedlog Vlade Unsko-sanskog kantona, po skraćenom postupku, na 36. redovnoj

sjednici održanoj 18.09.2017.godine, Skupština Unsko-sanskog kantona, donosi

### ZAKON

#### o izmjeni Zakona o unutrašnjim poslovima Unsko-sanskog kantona

##### Član 1.

U članu 99. Zakona o unutrašnjim poslovima Unsko-sanskog kantona ("Službeni glasnik Unsko-sanskog kantona" broj: 13/16) broj 12 zamjenjuje se brojem 16.

##### Član 2.

Ovaj Zakon stupa na snagu narednog dana od dana objavljivanja u Službenom glasniku Unsko-sanskog kantona.

Broj: 01-02-1-624/17 Predsjedavajući Skupštine  
18. septembra 2017. godine Unsko-sanskog kantona  
B i h a ć Nijaz Hušić, prof.

#### 661.

Na osnovu člana 1., 2. e) , 3. e), a u vezi sa članom 4. poglavlja IV i člana 11. b) odjeljak A poglavlje V Ustava Unsko-sanskog kantona – prečišćeni tekst ("Službeni glasnik Unsko-sanskog kantona" broj: 1/04 i 11/04) po skraćenom postupku, na 36.redovnoj sjednici održanoj dana 18.09.2017. godine, Skupština Unsko-sanskog kantona donosi

### ZAKON

#### o dopunama Zakona o državnoj službi Unsko-sanskog kantona

##### Član 1.

Iza člana 14. Zakona o državnoj službi Unsko-sanskog kantona ("Službeni glasnik Unsko-sanskog kantona", broj 14/17) dodaje se novi član 14a. koji glasi:

##### "Član 14a.

(1) Rukovodeće državne službenike iz članova 12-14. ovog Zakona organ izvršne odnosno zakonodavne vlasti koji ih imenuje razriješit će:

- 1) na lični zahtjev,
  - 2) ako je proglašen odgovornim za tešku povredu službene dužnosti,
  - 3) ako je ocijenjen ocjenom "nezadovoljava" ili "zadovoljava",
  - 5) nakon ukidanja ili promjene nadležnosti organa,
  - 6) u slučaju prestanka službe u skladu sa Zakonom.
- (2) Rješenje o razrješenju mora biti obrazloženo.



(3) Protiv rješenja o razrješenju nije dopuštena žalba, ali se može pokrenuti upravni spor.

(4) Razriješeni rukovodeći državni službenik rasporedit će se na drugo odgovarajuće radno mjesto u organu državne službe za koje ispunjava uvjete, vodeći računa o njegovom stručnom znanju, vještinama, sposobnostima i dosadašnjem radnom iskustvu, pod uvjetom da postoji sistematizirano i upražnjeno radno mjesto, kao i da je prije imenovanja na tu poziciju imao status državnog službenika, osim u slučajevima propisanim ovim Zakonom.

(5) Ukoliko u organu državne službe ne postoji odgovarajuće radno mjesto ili razriješeni državni službenik odbije ponudu na raspored na radno mjesto, kao i u slučaju kada razriješeni rukovodeći državni službenik prije imenovanja na tu poziciju nije imao status državnog službenika, prestaje mu radni odnos."

#### Član 2.

U članu 60. iza stava (1) dodaje se novi stav (2), koji glasi:

"(2) Vlada Kantona Uredbom o osnivanju Disciplinske komisije propisuje broj članova i zamjenika članova Disciplinske komisije, posebne uvjete koje moraju ispunjavati članovi Disciplinske komisije, način i postupak njihovog imenovanja, pravo na naknadu za rad u Disciplinskoj komisiji, kao i druga pitanja bitna za status i rad Disciplinske komisije."

Dosadašnji stavovi (2) do (6) postaju stavovi (3) do (7).

#### Član 3.

(1) Danom stupanja na snagu ovog Zakona prestaje mandat zatečenim rukovodiocima samostalnih uprava i samostalnih upravnih organizacija i rukovodiocima uprava i upravnih organizacija u sastavu organa državne službe.

(2) Zadužuje se Vlada Unsko-sanskog kantona da do okončanja konkursne procedure ovlasti državne službenike da rukovode organima iz stava (1) ovog člana.

#### Član 4.

Ovaj Zakon stupa na snagu narednog dana od dana objavljivanja u "Službenom glasniku Unsko-sanskog kantona".

Broj: 01-02-1-625/17      Predsjedavajući Skupštine  
18. septembra 2017. godine      Unsko-sanskog kantona  
B i h a ć      Nijaz Hušić, prof.

## 662.

Na osnovu člana 95. Poslovnika Skupštine Unsko-sanskog kantona ("Službeni glasnik Unsko-sanskog kantona" broj: 9/17) a u vezi sa članom 41. Zakona o ustanovama ("Službeni list Republike Bosne i Hercegovine" broj: 6/92, 8/93 i 13/94) na prijedlog Vlade Unsko-sanskog kantona, na 36. redovnoj sjednici održanoj dana 18.09.2017. godine Skupština Unsko-sanskog kantona donijela je sljedeću

### ODLUKU

#### o davanju saglasnosti za kreditno zaduženje ZU Kantonalna bolnica "Dr. Irfan Ljubijankić" Bihać za likvidnost

##### Član 1.

Daje se saglasnost ZU Kantonalna bolnica "Dr. Irfan Ljubijankić" Bihać za kreditno zaduženje za likvidnost, putem revolving kredita, u iznosu od 2.000 000,00 KM na period od 12 mjeseci.

##### Član 2.

ZU Kantonalna bolnica "Dr. Irfan Ljubijankić" Bihać, putem javnog poziva provest će postupak prikupljanja najpovoljnijih ponuda.

##### Član 3.

Ova Odluka stupa na snagu danom donošenja i objaviće se u "Službenom glasniku Unsko-sanskog kantona".

Broj: 01-02-1-626/17      Predsjedavajući Skupštine  
18. septembra 2017. godine      Unsko-sanskog kantona  
B i h a ć      Nijaz Hušić, prof.

## 663.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine" br.12/03, 34/03, i 65/13), a u vezi sa članom 12a Odluke o primjeni i usklađivanju oblika i organizovanja JP "Unsko-sanske šume" d.o.o. Bosanska Krupa ("Službeni glasnik Unsko-sanskog kantona" br. 47/04, 9/04, 1/05, 9/09, 12/06 i 4/12) i člana 95. Poslovnika Skupštine Unsko-sanskog kantona ("Službeni glasnik Unsko-sanskog kantona" broj: 9/17), na prijedlog Komisije za izbor i imenovanja i administrativno finansijska pitanja, na 36.redovnoj sjednici održanoj dana 18.09.2017. godine, Skupština Unsko-sanskog kantona, donosi